

ত্রিপুরা সরকার
তথ্য ও সংস্কৃতি অধিকার

স-৩৪৮৭

আগরতলা, ৩০ অক্টোবর, ২০২৫

**তপশিলি জাতিভুক্ত মানুষদের অর্থনৈতিক ও সামাজিক মান উন্নয়নের
জন্য রাজ্য সরকার প্রতিনিয়ত কাজ করছে : তপশিলি জাতি কল্যাণ মন্ত্রী**

তপশিলি জাতি অংশের মানুষের কল্যাণে কেন্দ্র ও রাজ্য সরকারের বিভিন্ন প্রকল্প রূপায়ণের বিষয়ে আলোচনা করতে তপশিলি জাতি কল্যাণ দপ্তরের মন্ত্রী সুধাংশু দাস-এর সভাপতিত্বে বিভিন্ন উপ কমিটিগুলির সঙ্গে আজ এক সভা অনুষ্ঠিত হয়। সোনারতরী স্টেট গেস্ট হাউসের কনফারেন্স হলে আয়োজিত এই সভায় তপশিলি জাতি কল্যাণ দপ্তরের বিভিন্ন উপকমিটিগুলির চেয়ারম্যানগণ এবং দপ্তরের আধিকারিকগণ উপস্থিত ছিলেন।

বৈঠকে তপশিলি জাতি কল্যাণ মন্ত্রী সুধাংশু দাস বলেন, কেন্দ্র ও রাজ্য সরকারের বিভিন্ন প্রকল্পগুলি রূপায়ণের বিষয়ে উপকমিটিগুলির কি কি দায়িত্ব নিতে হবে এ বিষয়ে আলোচনা করতে এটাই প্রথম বৈঠক। তিনি বলেন, রাজ্যের তপশিলি জাতিভুক্ত মানুষের অর্থনৈতিক এবং সামাজিক মান উন্নয়নের জন্য প্রতিনিয়ত কাজ করছে দপ্তর। আগামীদিনে তপশিলি জাতির কিভাবে আরো উন্নতি সাধন করা যায় সেদিকে একটি ইতিবাচক সিদ্ধান্ত গ্রহণ করতে হবে আজকের এই বৈঠকে। তপশিলি জাতি কল্যাণে আগরতলা পুর নিগম, ১৩টি পুর পরিষদ, ৬টি নগর পঞ্চায়েত ও ৫৫টি আরডি ব্লকের উপকমিটি রয়েছে। তপশিলি জাতি অংশের মানুষের কল্যাণে ৬টি কেন্দ্রীয় প্রকল্প ও ১৪টি রাজ্য প্রকল্প রূপায়ণ করা হচ্ছে।

২০২৫-২৬ অর্থবর্ষে রাজ্যের ষষ্ঠ থেকে অষ্টম শ্রেণী পর্যন্ত পাঠরত তপশিলি জাতির ৯৭২৮ শিক্ষার্থী প্রি-মেট্রিক স্কলারশিপ পেয়েছে। রাজ্যের ৩২টি তপশিলি জাতি অধ্যুষিত গ্রামকে পিএম-অজয় স্কিমের অধীনে ‘আদর্শ গ্রাম’ তৈরি করার জন্য বেছে নেওয়া হয়েছে। রাজ্যের ৩১টি হোস্টেলে ১১৬ জন শিক্ষক তপশিলি ছাত্রছাত্রীদের ইংরেজি, অংক এবং বিজ্ঞান বিষয়ে কোচিং প্রদান করেছে।
